



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Rua setubal Colmera Dili, Timor Leste

Po Box 275, Telefone: 3323883

[*info@jsmp.minihub.org*](mailto:info@jsmp.minihub.org)

[*www.jsmp.tl*](http://www.jsmp.tl)

Face book: [*jsmp.timorleste*](https://www.facebook.com/jsmp.timorleste)

JSMP: Servisu atu garante justisa ba ema hotu...

Tribunál Distritál Baucau kondena arguidu ho pena prizaun tinan 28 iha kazu inestu

Iha 21 Maiu 2015, Tribunál Distritál Baucau prezide leitura akordaun no kondena arguidu AdS ho pena prizaun tinan 28, tanba provadu komete krime violasaun seksuál agravada hasoru nia-oan fetu ne'ebé ho idade tinan 16. Kazu ne'e akontese iha 2010 no 2012, iha Distritu Lautem.

Ministériu Públiku akuza arguidu kontra artigu 172 Kódigu Penal kona-ba violasaun no 173 alínea (a) kona-ba agravasaun bazeia ba relasaun familiár no (d) kona-ba agravasaun bazeia ba vítima-nia idade hanesan menoridade, konjuga ho artigu 35 Lei Kontra Violénsia



lezada hahoris tan oan segundu, bebe fetu ida.

Tribunál hetan konfiksaun ne'e bazeia ba konfisaun hosi arguidu no deklarasaun hosi lezada ba faktus hotu ne'ebé apresenta hosi ministériu públiku.

Bazeia ba faktu provadu hirak ne'e, tribunál konklui kazu ne'e no kondena arguidu ho pena prizaun tinan 6 ba krime ida-idak ne'ebé arguidu komete iha tinan 2010 no kondena tinan 3 ba krime ida-idak ne'ebé akontese iha durante tinan 2012. Ba krime sira ne'e hotu, tribunál akumulá pena ida-idak no kondena arguidu ho pena prizaun tinan 28.

JSMP kontente katak tribunál konsidera ona kada krime ketak-ketak, maibé tribunál presiza hanoin katak moldura penál ba krime violasaun hosi tinan 5 to'o 15 pena prizaun, ne'ebé aumenta hosi tinan 5 to'o 20 pena prizaun se krime refere iha sirkunstansia agravantes. Iha kazu ne'e, pena prizaun tinan 3 ba kada krime violasaun ne'ebé arguidu komete iha tinan 2010 la apropriadu. Maske nune'e, pena akumulá besik ba pena másimu tuir Kódigu Penál (tinan 30), nune'e desizaun ba kazu ida ne'e bele konsidera desizaun ne'ebé di'ak.

Kazu ne'e rejista iha tribunál ho Nú. Prosesu: 0222/13.PDBAU. Akordaun ne'e prezide hosi Dr. Antonio Fonseca, reprezenta juis koletivu. Ministériu Públiku reprezenta hosi Dr. Luis Hernani Rangel da Cruz no arguidu hetan defeza hosi Dr. Juvinal Yanes Freitas hosi Defensoria Públiku.

Doméstika.

"JSMP konsidera katak desizaun ne'e apropriadu tanba refléta nível gravidade hosi krime ne'e no tanba arguidu nia hahalok ne'ebé prejudika teb-tebes lezada nia vida tomak. Dalabarak ona JSMP preokupa no sempre ezije ema hotu atu fo atensaun ba krime ne'e, infelizmente ema hotu ladun fo konsiderasaun sériu ba asuntu ne'e," dehan Luis de Oliveira Sampaio, Diretór Ezekutivu JSMP.

Tribunál prova katak arguidu komete violasaun seksuál hasoru lezada hamutuk dala 9. Iha tinan 2010, arguidu obriga halo relasaun seksuál ho lezada hamutuk dala 5 no ameasa lezada katak sei oho mate lezada, wainhira lezada dehan sai arguidu nia hahalok ne'e ba ema seluk. Arguidu nia hahalok ne'e rezulta lezada isin rua no partus bebe fetu ida, iha tinan 2011.

Iha tinan 2012, arguidu komete tan violasaun seksuál hasoru lezada dala 4. Arguidu nia hahalok ne'e kontinua rezulta lezada isin rua no iha tinan 2013,

Intervensaun diversa Parlamentu Nasionál

Loron 27 Maiu 2015

Hosi rezultadu monitorizasaun ne'ebé JSMP halo iha Parlamentu Nasionál, iha asuntu prinsipal balun ne'ebé deputadu barak kestiona, preukupa no diskute.

Asuntu sira mak tuir mai ne'e:

❖ Kona-ba Livru Sr. Carlos Saki ne'ebe hakerek kona-ba istoria rezistencia Renetil.

- Deputadu sira husu autór ne'ebé hakerek livru ne'e tenki halo redasaun ba página 148 kona-ba istoria rezistencia Sr. Mauhudu Rankadalak nia luta.
- Husu hakerek nain sira hakerek istoria ne'ebé los tuir faktus konfirmadu ba ema rezistencia sira ne'ebé sei moris.
- Hakerek nain ba livru rezistencia Renetil nian ne'e la halo redasaun tenki prosesu ba tribunál.
- Husu mós Parlamentu Nasionál no governu atu hasai rezolusaun ida hodi hapara sirkulasaun livru ne'e.

❖ Atividade deputadu sira iha baze

- Husu Deputadu sira labele tau impedimentu ba deputadu sira seluk nia servisu ka nia atividade fiskalizasaun privada iha ne'ebe hetan husi kobertura jornalista sira.

❖ Infrastruktura

- Husu governu atu tau prioridade hodi hadia estrada sira ne'ebé povu nia produsan sae makas, no bele fasilita povu halao nia negosiu ba faan sasan ho diak.



- Estrada husi Ossu ba Viqueque too Watukarbau maske tinan uluk tau ona orsamentu maibé kontinua aat too agora.
- Husu governu tenki iha determinasaun praju ba projeitu hodi fó sansaun ba kompañia ne'ebe la kumpri nia tempu servisu.

❖ **Apresisaun ba Governu 100 dias**

- Deputadu husi Bankada Opozisaun apresia programa VI Governu Konstitusionak nian iha loron 100 (atus-ida), liu-liu iha mudansa fiskal no poupasaun orsamentu ne'ebé iha efisiensia no efikasias. Espera katak iha loron 100 sei haree progresu husi infrastruktura ne'ebé agora dadauk sai preukupasaun povu TL.

❖ **Edukasaun**

- Iha Sub-distritu Zumalai, Distritu Suai, Eskola fatin barak sei menus karteiras no fasilidade eskola seluk ne'ebé persija hetan atendimentu husi edukasaun kona-ba fasilidades sira ne'e.

❖ **Kazu ema estranjeiru sira**

- Husu governu atu halo fiskalizasaun ba ema estranjeiru sira ne'ebé mai ho pasaporte tuirsta hodi halo negosiu iha Timor-Leste no tenki fó sansaun ba sira.

❖ **Veteranus**

- Deputadu sira kestiona mos kona-ba servisu komisaun homenaen nian hodi kansela direitu veteranus sira nian no dun fali ba deputadu sira mak halo kanselamentu.

❖ **Agrikultura**

- Husu Ministériu Agrikultura fiskaliza no hadia traktor, hodi fasilita ba povu sira ne'ebé presija.
- Husu Governu atu kontrola programa CDCA nian iha Agrikultura.

❖ **Resposta Sra. Secretária de Estado para os Assuntos Parlamentares.**

- Kona-ba ema estrajeiru ne'ebe halao negosiu la tuir vistu pasaporte agora dadaun guvernun haruka fila barak no inspeksaun lao nafatin. Relasiona ho kazu ida ne'e, iha tempu badak sei halo submisaun ba lei refere.
- Publiksaun livru ne'ebe hetan resaun husi PN atu halo redasaun guvernun sei bolu atensaun atu resolve problema ne'e imediata atu hakerek livru ho los ba istoria rezistensia sira ne'e ema hotu bele aprende.
- Guvernun mos iha programa sei fó apoiu atu hakerek istoria ho diak husi organizasaun rezistensia ida-idak nian.
- Guvernun mos sei hatoo karta ba responsabel hakerek nain ne'e husu atu hadia redasaun balun konaba istoria ne'e.
- Ba projeitu no manutensaun estrada sei enkamina ba iha ministériu kompetente atu haree prioridades estrada sira ne.
- Agradese ba deputadu sira nia apresisaun no PM agora mós husu ministériu hotu atu hatoo nia relatoriu loron 100 nian laran.

